

集部輯佚文獻彙編


翟金明

主編




國家圖書館出版社

41



集部輯佚文獻彙編

41



翁中 田吟齋

國家圖書館
叢書

(三國蜀)諸葛亮撰 (清)趙承恩輯

武侯全書二十卷首一卷
(卷十一—十八)

清光緒十年(1884)紅杏山房刻本

第四十一冊目錄

別集(四十二)

三國(二十三)

武侯全書二十卷首一卷(卷十一——十八) (三國蜀)諸葛亮撰 (清)趙承恩輯

卷十一		一
卷十二		四五
卷十三		六三
卷十四		二四七
卷十五		二七一
卷十六		三五三
卷十七		四四一
卷十八		四八一

武侯全書卷十一

西蜀射洪鍾體志校定

金谿趙承恩省菴氏編訂

男汝

明汝謨

受業丁士銓

全校

年譜

辛酉漢孝靈帝光和四年

是歲侯生按建興十二年甲寅秋丞相亮

卒於軍時年五十四則知爲辛酉年生

皇子協生卽獻帝

壬戌
光和五年

是歲以災異博問得失議郎曹操上書切

諫

癸亥
光和六年

初鉅鹿張角以妖術分遣弟子轉相誑誘
遂置三十六方大方萬餘人小方六七千

猶將軍也各立羣帥訛言蒼天死黃天當立以中常侍爲內應約明年甲子內外俱起

甲子
中平元年

春角弟子唐周上書告之詔三公司隸案驗有事角道者誅殺千餘人下冀州逐捕角等馳勅諸方一時俱起皆著黃巾故謂黃巾賊帝詔羣臣會議大赦天下黨人

昭烈得河東關羽同郡張飛並以壯烈爲之禦侮

夏五月昭烈舉義兵率其屬從校尉鄒靖討黃巾賊有功

乙丑 中平二年

廷尉崔烈爲司徒因傳母入錢五百萬時人謂之銅臭

丙寅 中平三年

前太尉張延爲宦人所譖下獄死

諫議大夫劉陶言天下大亂皆由宦官宦
官譖陶下獄死前司徒陳耽忠正宦官患
之陷死獄中

丁卯 中平四年

大司農曹嵩爲大慰

長沙賊區星自稱將軍詔以議郎孫堅爲
長沙太守封堅烏程侯

零陵人觀鵠自稱平天將軍寇桂陽堅擊
斬之

戊辰
中平五年

益州黃巾馬相攻殺刺史郤儉自稱天子
又寇巴郡殺郡守趙部益州從事賈龍擊
相斬之

太常劉焉建議以刺史威輕宜改置牧伯
侍中董扶私謂焉曰益州有天子氣焉乃

求爲益州牧州任之重自此始

己巳中平六年

靈帝崩皇子辯卽皇帝位

大將軍何進謀誅宦官不就爲張讓段珪
等所殺袁紹勒兵捕諸宦官無少長悉誅
之召董卓將兵詣京師卓廢帝立陳留王
協袁紹奔冀州

昭烈起兵討董卓

五
卷
一
一
庚午
漢孝獻帝初平元年

董卓自爲太尉加鈇鉞虎賁卓旋爲相國
關東諸郡起兵討董卓推袁紹爲盟主卓
遷帝長安

是歲昭烈領平原相以關羽張飛爲別部
司馬

孫堅殺荊州刺史王叡

劉表爲荊州刺史

辛未
初平二年

董卓自爲太師

長沙太守孫堅起兵討董卓戰於洛陽大
破之卓請和堅不許卓發掘洛陽諸陵遂
入長安堅旋入洛陽修諸陵平塞卓所發
掘

袁紹使人說韓馥馥讓紹爲冀州牧

袁術遣孫堅擊劉表於襄陽表將黃祖曲

部射殺堅堅子策年十七欲復讐至壽春
見術術以策父兵千餘還策表爲懷義校
尉

壬申初平三年

王允使呂布殺董卓卓將校求救不許武
威賈詡勸李傕郭汜樊稠張濟爲卓報讐
大戰長安中允被殺李傕等並自爲將軍

癸酉初平四年

袁術殺揚州刺史陳溫據淮南

曹操攻徐州牧陶謙初操父嵩避難琅邪
爲謙別將士卒所殺操引兵擊謙坑殺男
女數十萬攻其三縣皆屠之雞犬亦盡

甲戌
興平元年

揚州刺史劉繇與袁術將孫策戰於曲阿
繇軍敗績孫策遂據江東

陶謙卒眾推昭烈領徐州牧

乙亥興平二年

李傕郭汜共鬥燒宮殿帝幸弘農長安城
空四十餘日

侯早孤從父元爲袁術所署豫章太守將
侯及侯弟均之官會漢更選朱皓代元元
素與荊州牧劉表有舊往依之元卒侯寓
南陽襄鄧閔

丙子建安元年

車駕至洛陽曹操自領司隸校尉錄尚書
事迎天子遷都於許操自爲司空行車騎
將軍事

袁術攻昭烈以爭徐州呂布襲下邳昭烈
敗走歸曹操操表昭烈爲鎮東將軍旋表
爲豫州牧使東擊布

孫策取會稽太守王朗迎降策自領會稽
太守